

義府遺稿



蔣禮鴻著 中華書局

義 府 繢 貂

蔣 禮 鴻 著

中 華 書 局
1981 年 · 北京

義府續貂

蔣禮鴻著

*

中華書局出版

(北京王府井大街 36 號)

新華書店北京發行所發行

北京第二新華印刷廠印刷

*

850×1168 毫米 1/32·5⁴/8 印張·115 千字

1981 年 8 月第 1 版 1981 年 8 月北京第 1 次印刷

印數 00,001—13,500 冊

統一書號：10018·478 定價：0.62 元

內容說明

清代黃生著有《義府》一書，是考釋文字音義之作。本書因與黃氏趨向大致相同，所以稱為《義府續貂》。不過也有跟《義府》不完全相同之處，這就是以清人王念孫說的“義存於聲，聲近義通，求之於聲則得，求之於文則惑”等話作為指導思想；換一句話說，就是比較有意識地從語言的角度來探索詞義、詞源而已。其中有詮釋語詞的不同於一般意義的隱僻的意義的；有用聲近義通的原則來說明字形不同的若干形式本來是一個語詞的；也有從意義、語源的不同來分析同一書寫形式是意義不同的幾個語詞的；有探索現代方言俗語言的語源的；有說明語義的引申和文字的假借的；有探索語義在歷史上的繼承和轉變的；有探求某一語義得名的由來的——這和劉熙《釋名》的用意有相似之處，而作者是企圖避免劉熙的臆測牽附的弊病的；也有少數是闡述古書的修辭方法的。可供治漢語詞義學和詞源學的商榷和參考。

讀《義府續貂》識語

徐復

清初歙縣黃生撰《字詁》、《義府》二書，章先生稱：“其言精確，或出近世諸師之上。唯小學，亦自黃氏發之。”（《太炎文錄》《說林下》）自黃氏之言出，而正名辨物，闡述詞義之書大彰。余友蔣君雲從繼《義府》之緒，有《續貂》之作，窮極研幾，後出轉精。書名“續貂”，其謙抑之詞也。余讀其書，要以精義古音貫穿證發，故多所闡明。竅實言之，其書嚴於律令，具有條理，不失為小學家言。其論述通假，探索語源，尋核俗語，皆審諦。即以校勘言之，亦考核至慎，多有可取。余重愛其書，謂可以啟迪來學，誘發新知，故樂為喉引，以謁多士。其有謄義，揭載於下，願與同好共商度之。

一、研討詞義，須明時代特性。今舉“顧返”（亦作“顧反”）一詞為例：其結構為同義複合詞，意為還反，最早當見於戰國後期。《續貂》舉二例：《戰國策》《趙策》三：“公子魏牟過趙，趙王迎之。顧反，至坐前。”《呂氏春秋》《觀表》：“郈成子為魯聘於晉，過衛，右宰穀臣止而觴之。陳樂而不樂，酒酣而送之以璧。顧返，過而弗辭。”斯已足明“顧返”之時代特性矣。然猶可索之於同時之書者。研究生吳金華、儲道立為余檢《韓非子》一書，凡得二例：《內儲說上》《七術》：“商太宰使少庶子之市。顧反，而問之曰：‘何見於市？’對曰：‘無見也。’”又《外儲說右上》：“曾子之妻之市，其子隨之而泣。其母曰：‘女還’，顧反為女殺彘。”增此二例，則“顧返”之時代特性愈明確。司馬遷著《屈原列傳》：“是時屈平既疏，不復在位，使於齊。顧反，諫懷王曰：‘何不殺張儀？’”此或有資戰國時代之記載。暨於漢

代，其語仍見承用，如《文選》載《古詩十九首》“浮雲蔽白日，游子不顧返”是。既溯其源，斯漢以後即不須詳說爾。他如“勝貴”一詞，爲晉代特殊詞語。《晉書》《郗超傳》：“風流勝貴，豈不崇敬？”倒之則云“貴勝”，《世說新語》《政事》：“貴勝年少若和、裴、王之徒。”嘗檢《資治通鑑》《晉紀》胡三省注：“江東人士，其名位通顯於時者，率謂之佳勝、名勝。”是則“勝貴”、“貴勝”皆指名位顯貴或名位顯貴之人。余昔撰《從語言上推測孔雀東南飛一詩的寫定年代》，論定此詩最後寫定於晉人，即舉“勝貴”爲例。詩云：“君當日勝貴，吾獨向黃泉。”釋者率不考察“勝貴”一詞之時代特性，釋爲“你將會一天天富貴起來”。其釋之也以特殊詞語爲一般詞語，豈非於詩義之時代性不相貼切歟？蓋各時代之特殊詞語待探研者甚夥，《續貂》已提供各種例證。方今學人，其亦有積累資料，細心研覈，爲方來較爲詳贍之漢語詞彙史增益基址者乎？

二、求解通假字，須掌握聲音規律。茲事也，《續貂》所舉之例甚多，如舉藏之爲去藏，培風之爲負風，先置之爲先惠（德），至臣之爲至堅，皆能貫串音義，以得確解。余去年九月參加《漢語大詞典》黃山會議，曾作報告曰《通假字質疑》，其中有“豆比”一例。《史記》《扁鵲倉公列傳》：“躁者有餘病，卽飲以消石一齊，出血，血如豆比五六枚。”豆比二字，以往注家不知其爲一詞，嘗有誤解者。余讀《顏氏家訓》《勉學》，有“豆逼”一詞，所說爲小豆，因謂與“豆比”音義有聯。顏氏曰：“窮訪蜀土，呼粒爲逼，時莫之解。吾云：‘《三蒼》、《說文》，此字自下爲匕，皆訓粒。《通俗文》音方力反。’衆皆歡悟。”顏氏說逼爲自之通假字，以《說文》“自，一粒也”（皮及切）之自爲本字，其說至確。而《史記》“豆比”比與自音近，今謂比爲自之通假字，又亦無疑。他如《韓非子》《內儲說上》《七術》有“毅”字，曰：“殷之法，棄灰於公道者斷其手。子貢曰：‘棄灰之罪輕，斷手之罰重，古人何太毅也！’”舊注：“毅，酷也。”此據文義推言之耳。《左傳》

宣公二年：“殺敵爲果，致果爲毅。”毅字亦有強毅殺敵義，然皆未明其本字。今案《說文》豕部有豪字，云：“豕怒毛豎也。一曰：殘艾也。”（魚既切）艾字同刈，殘艾卽殘殺殘忍。毅從豪聲，二字同音通假。凡若此類，古書所見至多，當時聆音卽曉者易代以後輒難索解，且更舉“火酣酣”一例。《南史》《梁武紀》：“天監中，寶誌有詩曰：‘昔年三十八，今年八十三。四中復有四，城北火酣酣。’帝命周捨記之。”詩之所謂姑不論，“火酣酣”之詞義固當究明。案《廣韻》下平聲二十三談：“黏，火上行貌。胡甘切。”黏字與酣音適同，義亦切合，則酣爲黏之同音通假字亦無疑也。黃季剛先生著《求本字捷術》，揭示由通假字以求本字之途徑與方法，所說聲音條例，較爲全面有用。此所舉三數例，僅其易明者已。

三、字書、韻書中之僻字僻詞，須求得貼切用例。《續貂》於《方言》職字、《廣雅》偏字、《玉篇》攣字等，皆得其用例，啟發良多。余今試先言一“扇”字。《爾雅》《釋蟲》：“蠅醜，扇。”郭璞注：“好搖翅。”是謂蠅類之蟲好搖翅作聲。《說文》復有一增加偏旁之“煽”字，然未見用例。近年獲見馬王堆出土帛書中有《法經》“岐(岐)行喙息，扇蜚冥動”語，其扇字正指此類能飛之蟲而言。得此一例，既補《爾雅》用例之闕，於《說文》所著僻字“煽”亦得貫串。又有一僻詞“詆誘”，往時亦未見用例。原本《玉篇》已載有詆誘二字，云出《字書》，當是梁代以前已有之雙聲詞。《廣韻》入聲一屋：“誘，詆誘，狡猾。他谷切。”二十三錫亦云：“詆，詆誘，狡猾。他歷切。”蓋當時有此俗語詞，故字書韻書錄之，而特未嘗見於文辭。往年讀《敦煌變文集》《鷺子賦》，有“雀兒剔禿，強奪鷺屋”語，“剔禿”義難解，及尋繹之，乃知“剔禿”與“詆誘”聲音全同，用之賦中，適足寫貌雀兒狡猾神情，是卽“詆誘”之用例也。爾時卽以告知《敦煌變文字義通釋》作者，亦卽今之《續貂》作者蔣君，蒙其印可，采入《通釋》增訂本中。夫“詆誘”之爲僻詞，幾瀕死亡，得變文用例而復蘇；亦唯合諸

字書韻書之義訓，而賦中“剔禿”一詞義乃昭晰，斯爲相得益彰矣。昔王念孫著《廣雅疏證》，多蒐僻字僻詞用例，承學者喜焉。我屬平時讀書，不妨多留意於此，其亦治訓詁者之職志也夫。

四、校勘古書，須審慎有據。《續貂》作者精於校勘，其言《荀子》“收衆”當爲牧衆，《論衡》“稽可”當爲稽句，出色當行，其說甚謹。又若根據文義與當時習俗，謂《顏氏家訓》“餚伯”之名由於飲酒誕節，據義當爲餚伯；唐時邊塞之地多以烽稱，因謂“回樂峰”當爲回樂烽：使誤文得正，奄若合符。余亦試舉“誓違”一例以附益之。古詩《孔雀東南飛》：“十七遣汝嫁，謂言無誓違。”舊說誓爲讐字之誤，與愆同。此爲推理的校勘，無版本之依據，談者或復疑焉。余則以舊說爲然。據此詩寫定年代（說見前），檢晉人阮籍《爲鄭沖勸晉王箋》中有“內外協同，靡讐靡違”之語，與詩中“無讐違”意正同。補茲旁證，則誓爲讐誤，其亦可信矣。又《文心雕龍》《奏啟》贊中有“阜飭”語，云：“阜飭司直，肅清風禁。”孫詒讓《札述》以“阜飭”不可解，乃爲之說曰：“飭，疑當作杓；杓，阜服。”其所改字，無所依據，但牽就阜字，憑空擬想，固難信從。余以文義推之，以爲阜誤而飭不誤。阜與革形近，乃革字之誤。知者，王符《潛夫論》《慎微》：“夫聖賢卑革，則登其福。”革爲諱之通假字，《說文》：“諱，飭也。從言，革聲。讀若戒。”卑諱乃卑恭整飭之意，革飭卽“諱飭”，二字同義連文。《文選》袁彥伯《三國名臣贊序》：“訓革千載。”李善注引《蒼頡篇》曰：“革，戒也。”《蒼頡篇》訓義與《說文》讀若正合，則革飭卽爲戒飭，戒飭亦同義連文。“司直”爲官名，漢武帝元狩五年初置司直，掌佐丞相，舉不法。“革飭司直，肅清風禁”二語合觀，其義可明也。然則校勘古書，須審慎有據，前人成說，自宜擇善而從，間遇臆斷，亦俟辨正，未可輒從也。

上來略引四端，以明治漢語詞彙者之蘄向，其書中屢見俗語、語源等方面之新解，茲不復詳。詩不云乎：“它山之石，可以攻

玉。”？焦循《答沈方鍾書》亦云：“嘗謂友朋之益，不在揄揚而在勘核。”尋味斯語，實獲我心。余與雲從，同治小學訓詁，又時有研討切磋之樂，今其書將付梓，辱在知契，不可以默。聊贅蕪辭，質之高明云爾。

一九七九年十一月於南京師院

義府續貂目錄

內容說明

讀《義府續貂》識語

徐復

焜黃	1	蚩蚩	13
細腰 小要	1	坌冒	13
顧返 顧歸		冒忿	14
故歸 回故	2	志度隱進	14
體	3	去 奉 舉	15
從容消息	4	耿介 間介	17
奇字反訓	5	膠嬉	18
傷心腸斷	6	鑿	19
雕蟲篆刻	7	聖 勝	20
鴻然	7	黨 當	21
橈杌	8	過翼	21
躋伯	8	奇	22
靡	9	長 長餘 長兩仗雨	
獨漉 鹿獨	9	長語 剝長剝長	23
踊	10	鑿	25
瞞瞞 晏溫	11	甲乙	25
離	11	君	26
伐	12	先置	27
鑿以寫龍	12	乾沒	27

綴學	29	凝湊	凝蹇	刑蹇	形倨
梯媒	30	凝竭	凝滯		47
胥	30	稽句			48
盈望	31	纖纖			49
死	31	驁			50
便蕃 頻煩	31	角			51
葉葉	33	綰			51
剗	33	彌			51
無慮	33	杓 標 剝			52
婁空 離婁	35	瞷瞷			53
無澤	36	罷池	駢豸		53
童蒙 鈍聞 滇暗	36	擲			54
戶服	37	培風			54
犒罷	38	轉 便轉			55
馨	38	壹 噘			56
削	39	脣如竊膏			57
麻善	40	鬟河			57
抜	41	尋			58
職	41	鴟			58
遞受	42	藍苴			59
養烏鬼	42	睢毗			60
臣	42	儀 俄			60
覺跌	43	方			61
對 菀 嘲 蕃		奩			61
遂 祝 懵	45	賴			61
楔	46	聆			62
謫	46	解			62

黨	63	暱	71
黨	63	瞭	72
憲賴	63	髡	72
值錢	64	岡寔	72
著港	64	發脾氣	72
塵詐	64	光火	73
椿	64	掉	74
蹣	65	故計	75
勛	65	羨春	75
髓	66	顴 塊 眇	76
湜	66	倚	76
屢	66	團	77
攀	66	膩 泥 訾	77
軒	67	拷	78
蘩	67	櫈 椅	79
臺	67	荔 騞 鰐 厲	80
轡頭	67	毛𧆚蟲	81
陶	68	油油	81
勑	68	憑怒	83
藻	68	嫋	83
華	69	俾儻	84
牕	69	窩囊	85
澆行	69	絡麻	86
幕 漫	69	兜蠟	86
儔 醉	70	醪糟	87
着	71	刺斜	87
痼	71	微	88

圓夢	88	金舌	107
小牙兒	89	爵穴	108
能	89	閣	108
四寸 十九年	90	外 外人	109
連忙 狼忙 狼萌	91	弟弟 遲遞	109
礮 砲 抛	92	藉	109
刁	93	獸 貸 憎忒	110
調	94	芮	110
撩 料 嫣	95	雛雛	111
英英 英 盞	96	料料	111
檻	96	杌 檻	112
是人	97	注 痊 蛀	
後儉	97	注易	113
烽	98	訴	113
制梃	98	怨	114
聞	100	屏	115
潑辣	101	戎	115
贊	101	侹	116
掙	101	僧	116
貞 婢 斷 颽	102	秆	116
懶 視 展	103	反	117
覆露 覆慮	103	徒要 圖要 圖欲	117
桃諸梅諸	104	昭昭	118
凹凸 眇睽睽		水火	118
容突	105	機警	119
牧	106	私白 私自身	
尪匡	107	自身	120

谷行	121	憲	139
堆堆 追	121	擇如	139
凶	122	緒	140
四	123	儻慊 驅驅	
田	124	崎樞 儉苦	140
校定《史記》《魏其武安侯列傳》《索隱》批根 根搭	124	離摟	141
青面望者	127	稱	141
功德	127	楊妃飲金屑	142
破	128	不俾 光度	142
氏	129	剩 剩可 膾背	143
松子	129	即使	143
妮 整妮 整搃 整促 整覶	129	釐降	143
塊鞠 塊	130	狙詐	144
設	131	術	145
當世	132	精搖靡覽	145
夫詩書隱約者欲遂其志 之思也	132	轉筋	146
處愁	133	嚙	147
自喜	134	舒戟	147
格麟	135	朝廷 朝庭	148
萬分	125	相邦	148
增加	136	隱忌	149
抗剗	137	斷 犹 猶	
三適加九錫	137	矧 听	150
不勝莫勝		踢	150
者諸都	138	藏彊藏鉤	
		鉤萌區萌	151
		遼 犁	152
		龍鬪	153

義府續貂

余漁獵詞言，淺嘗是愧。偶記管見，竊附黃扶孟之後，將以循名溯義，案舊知新，顏曰“續貂”云爾。顧惟暗昧，沿溯靡由；其有紕繆，達者董之。

焜黃

古樂府《長歌行》：“焜黃華葉衰。”案：焜黃猶玄黃，謂病悴也。玄黃者，《詩》“我馬玄黃”、“我馬虺隤”、“何草不黃”、“何草不玄”；《爾雅》《釋詁》：“虺隤、玄黃，病也。”王引之謂虺隤、玄黃皆爲病貌，是也。鱗字音古本切，而或作鯀，從玄，此玄聲、昆聲可以相通之證。黃生說《桐柏淮源廟碑》“泫泫淮源”云：“泫泫疑借混混音滾，用《孟子》‘原泉混混’意。後又有‘□□晝夜’句，必是‘不舍晝夜’，益可證泫泫之爲混混也。”《戰國策》《秦策》一：“轉轂連騎，炫熿於道。”高誘注：“炫熿，猶焜光也。”（高注熿下舊衍也字，今刪正。）據高注與黃說，又益可知焜黃之爲玄黃也。

友生郭在胎曰：“《左傳》昭公三年：‘焜熿寡人之望。’《文選》《甘泉賦》李注引《字書》：‘焜熿，火兒。’”案：焜熿卽炫熿也。《說文》：‘炫，爛熿也。’爛卽火焰字。是炫亦爲火貌矣。此亦焜、玄相通之證。

細腰 小要

古者固棺之具謂之細腰，或曰小腰。《禮記》《檀弓》：“衽每束

一。”鄭玄注：“衽，小要也。”江淹《銅劍讚》云：“往古之事，棺皆不用釘，悉用細腰。……狀如木稱，兩頭大而中央小，仍鑿棺際而安之。……棺凡用細腰五十四枚，大略如此。”案：《檀弓》之衽，《銅劍讚》之稱，皆卽華勝之勝，其形則相似耳。今棺身棺蓋之際，猶鑿坎填細腰以固棺。固棺之具謂之細腰、小腰，急讀則成簫，卽今插簫、簫釘之簫也。章氏《新方言》，謂簫編竹爲之，編則有橫關，故今凡有橫關謂之簫，簫丁（釘）亦其一矣。其說蓋非也。

顧返 顧歸 故歸 回故

古樂府《東門行》本辭：“出東門，不顧歸。”顧一作顧。余冠英曰：“義可並存。”案：顧歸是也。晉樂所奏一篇亦作顧歸。《古詩十九首》：“浮雲蔽白日，游子不顧返。”顧歸、顧返皆兩字爲一詞，其義則同爲還返，顧字不屬上讀。《呂氏春秋》《觀表篇》：“郈成子爲魯聘於晉，過衛，右宰穀臣止而觴之。陳樂而不樂，酒酣而送之以璧。顧返，過而弗辭。”《戰國策》《趙策》三：“公子魏牟過趙，趙王迎之。顧反，至坐前。”梁劉遵《度關山》云：“行人思顧返，道別且徘徊。”斯其確證。蓋顧字亦有返義。《穆天子傳》卷三，天子答西王母之謠曰：“予歸東土，和治諸夏。萬民平均，吾顧見汝。”郭璞注：“顧，還也。”陶潛《詠荆軻》詩：“心知去不歸，且有後世名。登車何時顧，飛蓋入秦廷。”猶言何時還也。又王粲《七哀》云：“行者不顧反，出門與家辭。子弟多俘虜，哭泣無已時。”曹植《吁嗟篇》：“驚飄接我出，故歸卽顧歸，言轉蓬沉淵，而驚飊接之，冀得復歸中田也。”《公羊傳》桓公十一年：“少遼緩之，則突可故出，而忽可故反。”故出之故涉下文而衍；故反卽顧返，猶故歸卽顧歸也。古故字有用同顧者，如《史記》《趙世家》：“秦服其勢而趙受其利，雖强大不能得之於小弱，小弱故能得之於强大乎！”《國策》文同，而故作顧。

顧歸之與故歸，顧返之與故反，亦若是則已矣。敦煌《雲謠集雜曲子》《鳳歸雲》詞：“待公卿回故日。”俞平伯校：“故乃顧之誤。”余舊校以爲扳之誤，此皆未知故借爲顧也。

體

江淹《雜體》詩三十首，敍云：“今作三十首詩，敷其文體。”案：體者，摹擬之意，即所謂敷其文體。雜體猶云雜擬。劉禹錫詩集屢言江淹《雜擬》，是其明證。自後以體爲擬者實繁有徒，姑舉所見言之：五代杜荀鶴《寄溫州朱尚書兼呈軍倅朱太博》詩：“教化靜師龕渤海，文章高體謝宣城。”體與師相對，體猶師也。孫光憲《北夢瑣言》卷一，劉三復記三生事條：“德裕試其所爲，謂曰：‘子可爲我草表。’……三復又請曰：‘漁歌樵唱，皆傳公著作；願以文集見示。’德裕出數軸與之。三復乃體而爲表。德裕嘉之。”又卷九，李涪尚書改《切韻》條：“古之製字，卷紙題名姓，號曰名紙。大中年，薛保遜爲舉場頭角，人皆體倣，方作名狀。”宋胡仔《苕溪漁隱叢話》前集卷二十一：“樂天《次楞伽寺》詩云：‘照水姿容雖已老，上山筋力未全衰。’陳子高《病起》詩云：‘照水姿容非復我，上樓腰脚不如人。’時稱爲佳句，殊不知乃體樂天詩也。”李壁注王安石《虎圖》詩：“或言：王介甫與歐陽永叔、梅舜俞與一時聞人坐上分題賦虎圖，介甫先成。衆服其敏妙，永叔乃袖手。或曰：‘此體杜甫《畫鵠行》耳。’大抵前輩多模取古人意以紓急解紛，此其一也。”趙彥衛《雲麓漫鈔》卷三：“柳子厚遊山諸記法《穆天子傳》，歐陽文忠公《醉翁亭記》體《公羊》、《穀梁》解《春秋》，張忠定《諫用兵疏》倣韓退之《佛骨表》，黃魯直《跋奚文》學王子淵《便了券》，唐人《大槐國傳》依《列子》《湯問》。”凡此皆體爲摹擬之例，而李壁以模取爲言，趙彥衛以與法、倣、學、依爲類，斯尤其義之顯然者也。